

17559

767

ՀՐԱՏԱՐԱԿՈՒԹԻՒՆ ՊԱՑՐԻԿԻ

# ԱՆԺԱՄԱՆԱԿ ԹԱՏՐՈՆ

ԵՒ

## ԸՆԹԵՐՅԱՆՈՒԹԻՒՆ

Դերմ. թարգ. Ս. Մանդիմեան.

(Արտատպած „ԼՈՒՄԱՅ“ գրական հանդիսաց)



R.

ԹԻԳԼԻՍ

Տպարան Մ. Շարաձեի, Նեկ., 21.


1896

370.2 - 1  
4-57  
W

Հրատարակութիւն Պատրիկի

F.

**ԱՆԺԱՄԱՆԱԿ ԹԱՏՐՈՆ  
ԵՒ ԸՆԹԵՐՑԱՆՈՒԹԻՒՆ**



Գերմ. թարգմ. Ս. Մանդինեան


(Արտաստղած «Լումայ» գրական հանդիսից):

Թ Ի Ֆ Լ Ի Ս  
Տպարան Մ. Շարաձէլ Նիկոլ., տ. 21  
1896  
12007

2010

8768

Дозволено Цензурою, Тифлисъ, 14 Июня 1896 г.



3610 -51

ԱՆԺԱՄԱՆԱԿ ԹԱՏՐՈՒ ԵՒ ԸՆԹԵՐՅԱ-  
ՆՈՒԹԻՒՆ ։<sup>1)</sup>

1

1833 թուականին Բռննի ուսանողների  
մէջ առանձին հաճութեամբ նկատում էր մի  
17 տարեկան պատանի, որ իւր գեղեցիկ և  
յաղթապինդ կերպարանքով գերազանցում էր  
իւր ընկերներից։ Նա բարձրահասակ էր և  
փայելչակազմ։ Եւ թէպէտ հիւսիսային գերմա-  
նացի էր, սակայն նորաերեսի մաքուր և վճիտ  
գոյնը գրեթէ իտալական տիպար էր տալիս  
նորան. երկար սև արտեանունքներով ստուե-  
րացած նորա մոլոր փայլուն աչքերը, նոյն-  
պէս և այտերի մշտափթիթ վարդերը՝ կարծեց-  
նել էին տալիս, թէ դա հարաւային Եւրոպակ

<sup>1)</sup> «Դաստիարակութեան արդիւնքներ» գրքից  
դարձեալ մի պատմութիւն (Տես «Լումայ» գրական  
հանդիսակ Ա. զիրք, երես 183, ծանօթութիւն. կամ  
այս հաստարակութեանց առաջին գրկուք «Դաս-  
տիարակութեան զօրութիւնը», ծանոցումն թարգ-  
մաննի):

## Ծան. Թարգմանչի

ծնունդ է։ Նորա գանգուր խիտ մազերը խարտեաշ էին կամ շէկ և մուգ. գեղեցկապէս կամարացած ճակատի շարունակութիւնն էր յօքինում՝ իւր բարեկազմ, ուղիղ և փոքր ինչ ծայրարձակ քիթը, որ նորա խելօք և նուրբ գէմքին տալիս էր համարձակութեան դրոշմ։ Բերանն ու ծնոտը ծածկուած էր հազիւնշմարող աղուամազով, մինչդեռ նորա ձայնը անոյշ խոր բամբ էր հնչում։

Ով որ ի մօտող ճանաչում էր Կարլ Փօն Հոհէնհառէգէնին, նորա մէջ գտնում էր ի բնէ առատապարզեւ ոգի, զմայլում էր այն անդուլ եռանդից և ժրութիւնից, որ նա իրաւագիտութեան ուսման նուիրում էր, և յարգում կամ սիրում էր նորան նաև իւր սրտի պատուական յատկութիւնների համար։ Վասն զի նա կենսազուարթ և սրտաբաց մարդ էր, ընկերութեան մէջ զուարձախօս և ուրախ՝ առանց չափազանցութեան, բոլոր ծանօթների գէմ հաճոյական և սիրաբուղի, իսկ իւր վարքի մէջ գրեթէ միշտ հաւասար և անփոփոխ։ Նորա մտքի աշխուժութիւնը՝ միշտ բաց և զգաստ էր ամենայն նորութեան համար, բայց և ուսումնական նիւթերի մասին սիրում էր զրուցել։ Միայն տան մէջ շատ անգամ տխուր և մտախոհ էր, բայց շուտ սթափուող

և բացարձակ զուարձացող։ Հստ ամենայնի բարոյական գոլով, ոչ մի երիտասարդական մոլութեան անձնատուր չէր լինի, ուստի և նորա վարքը ամեն բանի մէջ անարատ և առաքինի էր։

Ուսանողական կեանքը գրաւիչ էր նորա համար, բայց աւելի գաղափարական կողմից, նորա մէջ փնտուելով հին ասպետական կեանք, ուստի և ամենայն ծայրակեղութիւններից խորշում էր և համալսարանական ագատութեան ուրախութիւնների մէջ՝ սիրում էր վայելուչ չափաւորութիւն։ Նորա ոգուն հակառակ էր պարծենալ ուսանողական վայրենութիւններով, իսկ չը փնտուած մենամարտութեան կոչը ընդունում էր, և այն ժամանակ նա ցոյց էր տալիս արիութիւն, պահելով իւր անձը հանգիստ և վսեմ։

Նորա ընտանեկան հանգամանքները շատ յաջող էին։ Իւր և ծնողների մէջ յարաբերութիւնները խիստ մտերմական էին, և ինչպէս որ ներկայում գոհ կեանք վարելու համար նիւթական միջոցներ չէին պակասում իրան, այնպէս էլ նորա ապագան բոլորովին ապահոված էր։

Յայտնի է, որ ուսանողական տարիները, նոյն իսկ պակաս նպաստաւոր պարագաներում, շատերի համար կեանքի ամենաերջանիկ հա-

տուածն է. իսկ Կարլ Փօն Հոհենհառողէնի համար, որ այնքան առաւելութիւններով օժտուած էր թէ նիւթապէս և թէ հոգեպէս, ուսանողութիւնը աւելի ևս պէտք է նմանէր այն գեղեցիկ մալիսեան օրին, որի կապուա երկինքը չի պղտորւում ոչ մի ամպից, որի մեղմիկ և ծաղկաբոլը շունչը չի սառչում ոչ մի հիւսիսային հողմից: Իւր ծանօթներն էլ, որոնք եկել եին գեղեցիկ չոենոսի համալսարանում գիտութիւն ստանալու, նորան համարում էին հէնց այդպէս ամենաբախտաւոր պատանի:

Բայց որքան անակնկալ և սոսկալի պիտի լինէր այն գոյժը, որ 1834-ի ապրիլի 5 ին նոցա հասաւ, թէ այնպէս առերևոյթ բախտաւոր համարուած պատանին՝ կամաւ կարձել է իւր կեանքը: Նախընթաց գիշերը, իւր սրտին ուղղած ատրճանակի մի հարուածով, նա կտրեց իւր կեանքի թելերը իւր ձեռքով, այնպէս որ գէնքի բարձրածայն պայթիւնից զարթեցած տան բնակիչները, զարհուրելով շտապեցին տեղը, բայց գտան միայն նորա անշնչացած դիակը, հանգիստ երկնցած անկողնու վերալ, իսկ նորա շուրջը մի կնքած ծրար, մէջը նորա օրագրութիւններն ու նամականիք, մի բաց յունարէն նոր կտակարան, երկու իրար վերալ

խաչաձեւ ընկած գանակներ և դատարկուած ատրճանակ:

Նախընթաց ցերեկուայ և երեկոյեան դէպքերի մասին այսքանը իմացուեցաւ: Զատկական արձակուրդների առաջին օրերին իւր ծնողները նորան կարօտակէզ սպասում էին տեսնել, և խիստ անհանգստացան, երբ որ նորա ընկերները փոստի կառքով արդէն հասան իրանց տեղը, իսկ նա չկար: Նոքա ստացան նորանից միայն մի կարճ նամակ, մարտի 30 թուով, որով նա իւր յապաղումը արդարացնում էր այնպէս, թէ ընկերներին խոստացել է ոտքով գալ հալրենիք և թէ անշուշտ 5 կամ 6 օրից յետոյ կը հասնի նոցա հետ ի միասին: Սակայն նշանակած ժամանակն էլ անցաւ, իսկ նա չերէեցաւ: Ծնողների համբերութիւնը աւելի ևս հատաւ, երբ որ տեղեկութիւն առան, թէ ոտքով եկող ուսանողները արդէն անցել են, որոնց մէջ չի եղել իրանց որդին: Նոքա երկիւղ էին կրում, չը լինի թէ նա հիւանդացել է կամ վնասուել է մենամարտութիւնից, որի մասին անորոշ լուրեր էին պատում, կամ վերջապէս թերևս պարտքեր ունի, որ դժուարանում է Բոննից գուրս գալ: Այս պատճառով մայրը մի գորովալից նամակ գրեց, որ ոչ թէ յանդիմանական էր, ալլ ար-

տայալտում էր տրտունջ նորա անբացատրելի  
բացակայութեան համար, խոստումներ վճա-  
րել պարտքերը, եթէ իւր վերայ ծանրացել  
են, և երկրորդ անգամ ծանապարհի ծախք  
առաքել: Հայրը ուրիշ գուշակութիւններ ա-  
նելով աւելացրեց այս խօսքերը. Quidquid  
agis prudenter agas et respice finem, այս-  
ինքն՝ ինչ որ մտադրում ես, խոհեմութեամբ  
գործիր և կշռիր վախճանը:

Այս նամակը ուղարկուեցաւ Բոնն, որդու  
տանտիրոջ անունով, այն հաւանականու-  
թեամբ, թէ գուցէ որդին ճանապարհ ընկած  
լինի, որ և հասաւ նշանակած տեղը ապրելի  
4-ին: Կարլ Փօն Հոհէնհառուղէնը հէնց այդ  
ժամանակ գտնւում էր սրախաղութեան կրկե-  
սում: Տանտէրը իսկոյն կանչել տուեց այն  
տեղից, յանձնեց նամակը և աւելացրեց, թէ  
պատրաստ է իրան տալ այնքան ճանապար-  
հածախք, որքան որ ուզենայ: Բայց նա մեր-  
ժեց առաջարկութիւնը, գնաց իւր սենեակը և  
կարդաց նամակը զգացուելով և արտասուբով:  
Աղախինը այդ տեղ էր և նկատեց այս փղձու-  
կը: Դա առաջ էլ վկայ է եղել, որ նորա ըն.  
կերները համոզելիս են եղել նորան իրանց  
հետ հայրենիք գնալու. վերջին երեկոներին նկա-  
տել է, որ նա գնդակներ է թափել, մի քա-

նի դանակներ դաշունաձև սրել է, և երբ որ  
իրանից հարցրել է, թէ ինչի համարեն գոքա,  
պատասխան է ստացել, թէ փայտից բան է  
ուզում տաշել: Տանտէրը այս բոլորը չարա-  
գուշակ համարելով, սրտադող ընկաւ պատա-  
նու ոտքերը և աղաչեց այլ ևս չը լետաձգել  
ճանապարհը, իսկոյն տունը նամակ գրել, թէ  
գալիս է, և իւր ծնողների անհանգստութեան  
վերջ գնել: Կարճ և զայրացած պատասխան  
ստացաւ Կարլից, որ վեր կենաց, և թէ չի սի-  
րում մէկին չոքած տեսնել, թէ հայրենիք կը  
գառնայ, միայն անմիջապէս չի կարող տեղից  
շարժուել:

Բայց և այնպէս տեղն ու տեղը մի քանի  
տող գրեց ծնողներին: Նա յայտնում էր, թէ  
խիստ վշտացած և ինքն իրան կշտամբելով  
կարդաց նոցա նամակը, բայց չէր երևակայում,  
որ իւր պատճառով նոքա մտատանջութեան  
մէջ պիտի լինէին: Անզգուշութեամբ ստա-  
ցած մի փոքր տկարութիւնը արգելեց ժամա-  
նակին գալուն. գրամի կարօտութիւն չունի.  
նամակից լետոյ ինքն էլ անմիջապէս ճանա-  
պարհ կընկնի: Մի քանի տող տանտէրը աւե-  
լացրեց, թէ նոցա որդին հիւանդ էր (մենա-  
մարտութեան մէջ ուսին մի վէրք ստանալով),  
բայց հարկաւոր խնամքներով արդէն իսպառ

ապաքինացած է, և թէ ճանապարհի բոլոր  
պէտք եղածները ճշտիւ կը հոգալ: Նամակը  
իսկոյն ուղարկուեցաւ փոստը:

Կարլ Փօն Հոհենհառագէնը երեկոյեան գնաց  
ուսանողական ընկերութեան մէջ, ուր որ նա  
անդամ էր, իսկ աղախնին պատուիրել էր մին-  
չեւ իւր դարձը տաք ջուր պատրաստել ոտ-  
քերի համար, որ մի քանի երեկոյ շարունակ  
գործ էր ածել: Իւր վեստֆալեան հալրենա-  
կիցների շրջանում ուրախ էր և զուարճանում,  
բայց գլխացաւի պատճառով ժամի 10-ին տուն  
դարձաւ: Այս տեղ տաք ջուր ընդունեց, հա-  
գաւ մաքուր ճերմակեղէն, իրանից յետոյ ե-  
կող ընկերին սովորական սիրով ողջունեց, որ  
նոյն տան բնակիչ էր, և խնդրեց նորանից,  
ինչպէս ուրիշ անդամներ էլիսնդըրել է, որ մի  
բան ածէ ջութակի վերայ: Այս կատարուե-  
ցաւ, և գեռ էլի երկար խօսեցին ընկերները  
իրար հետ:

Երբ որ նա մէնակ մնաց, դըսումը մի  
քանի ժամ լսում էին, որ նա լայն քայլերով  
սենեակում յետ ու առաջ ման է գալիս, մին-  
չեւ որ կատարեալ լուսութիւն տիրեց: Առաւո-  
տեան ժամի 3 էր, երբ որ մահացու գնտակը  
արձակուեցաւ:

Մի քանի բարեկամների և մօր հաղոր-

դած տեղեկութիւններից, թշուառի վերջին  
ամիսների կենաց մասին, լայտնի է նաև հե-  
տեւալը:

1833-ի գարնան մի գեղեցիկ օր Կարլ  
Փօն Հոհենհառագէնը բաժանուեց հալրենիքից  
և ծնողներից, որոնք բնաւ չէին գուշակի,  
թէ այս տեսութիւնը վերջինն է: Երբ որ  
հրաժեշտի ժամանակ հայրը որդուն սեղմեց  
իւր կըծքին, կշին կանգնած մայրը վերջնի  
գեմքի վերադարձ տեսաւ մի սեւ ամպ. և այդ ոչ  
թէ վշտակրութիւն էր կամ թախիծ, այլ սառն  
սոսկումն, չարագուշակ լքումն, անընկճելի  
յուսահատութիւն: Ահաբեկուած մայրը պատ-  
րաստում էր գոչել. «Կարլ, ինչէ մտքումդ»,  
բայց որովհետեւ ամպը շուտով ցրուեց, նա  
լուռ մնաց:

Ծնողները ամառը Բոննից ուրախ և ի-  
մաստալից նամակներ էին ստանում որդուց,  
և միայն նուազ գէպքերում թեթև գանգատ-  
ներ էին կարդում նորա առողջութեան մա-  
սին: Աշունքի արձակուրդներին մի ուսա-  
նողի հետ նա ոտքով ճանապարհորդեց Ֆրան-  
սիակի մի մասը, Զուլիցերիա, Բաւարիա և Շուա-  
բիա: Ամբողջ ճանապարհին նորա ուղեկիցը  
նորա վերայ չը նշմարեց ձախորդ տրամադրու-  
թեան ոչ մի նշան: Նա միշտ զուարթ էր,

ոչ մի տրառնջ չէր յայտնում և շատ լաւ գիմացաւ. ճանապարհի դժուարութիւններին: Այդ միջոցներին յաճախ նամակներ գրեց ծնողներին, միշտ մանրամասն, ուրախ և հանճարով: Միայն նիւրընբերգից գրած վերջին նամակում նկատողութիւն էր կցել, թէ ճանապարհից աւելի ապաքինութիւն էր սպասում:

Նիւրընբերգում ազգականների մօտ մնացել էր ութ օր, և այն տեղ ոչ ոք ոչմի բան չը նկատեց, որով գուշակուէր այն քստմնելի վճիռը, որ կէս տարի յետոյ նա ի կատար ածեց: Նա կարծես զոհ էր իւր ազգականների շրջանում, միայն մի քանի խնդիրների մասին հանդիսաւոր լրջութեամբ էր խօսում: Սկզբում գեղեցիկ պատրաստուած կերակուրների վերայ ուշադրութիւն չէր դարձնում, բայց մի քանի օրից յետոյ սկսեց ընտրութիւնը նկատել, գովել խոհարարի արհեստը, և այնպէս համով ուտել, ինչպէս որ վայել է աճող և առողջ երիտասարդին: Մարմնական ցաւի ոչ մի նշոյլ չէր երեսում: Միշտ մասնակցում էր բոլոր ուրախութիւններին, բայց կարծես ոչ կատարեալ ներքին ազատութեամբ: Զբուցատրութեանց ժամանակ այնպէս էր խօսում, որ ազգականների հաւանութիւն գտաւ, միայն կրօնական խնդիրների մասին

նորա գաղափարները չը գոհացըրեցին նոցա, որովհետև յիշեցնում էին Բալըրնին: Վերջին գիշեր նա մինչև գիշերուայ ժամի 1-ը խանդերգեր յօրինեց գաշնամուրի վերայ, շատ լաց եղաւ և հեկեկաց, բայց հետևեալ օրը, հրաժեշտի ժամանակ, կրկին գուարթ և սիրահամբուր էր:

Իւր մօտիկ համալսարանական ընկերները ձմեռուայ կիսամեակին նկատում էին, որ նա շուտ շուտ խոհերի մէջ է ընկղմում և զգալի կերպով լուռ է մնում. բայց որովհետև հարցմունքներից փախուստ էր տալիս, իսկ ընկերութեան մէջ այնպէս ուրախ էր լինում, որ կարծես թէ ոչինչ ցաւ չունէր, ուստի այդ բոլորը համարեցին մի անցողական և աննշանակ տհաճութիւն: Ոչ ոք ընկերներից մտքում չէր անցնի, թէ դա կարող էր ունենալ որևէ է հոգեկան կամ մարմնական ցաւ. ընդ հակառակ, նորան միշտ համարում էին առողջ կենսասէր պատանի: Իսկ տարուայ վերջը ծնողներին սկսեց ուշ ուշ նամակ գրել, այն ևս չոր և ցամաք: Այս փոփոխութիւնը նոքա այնպէս բացատրեցին, թէ գուցէ նա սկսել է չափազանցութեամբ վայելել ուսանողական կեանքը, ուստի և կանխաւ պատրաստուեցան նորա մոլութիւնները սրտով ներել:

Իւր համալսարանական ընկերներից մէջ կին, որ պատրաստում էր Բոննից հեռանալ և որին եղբօր պէս էր սիրում, ասաց, թէ ինքը խիստ անբախտ է զգում իւր անձը և թէ կուգենար Հուենոսի ալիքներում թաղուել կամ մի գնդակ արձակել իւր սրտի մէջ։ Բայց ընկերը այդ խօսքերին կարեորութիւն չտուեց, միայն նախատեց, որ այդպիսի ցանկութիւններ են ծնում նորա գլխի մէջ, քանի որ բոլոր մարդկանցից նա աւելի քիչ պատճառ ունի այդպիսի խենդութեան համար։ «Դու չես ճանաչում ինձ», այս էր նորա պատասխանը ընկերի բոլոր հարցուփորձին և աղաչանքներին, որ յայտնէ, թէ՝ինչից է ճնշում։ Միայն մի անդամ աւելացրեց. «Ինչու ասեմ քեզ, ինձ այլ ևս ոչ ոք չի կարող օգնել»։ Ընկերը չը հասկացաւ խօսքերի զօրութիւնը, և կարծեց թէ նորա այլալութիւնը ժամանակաւոր տիրութիւնն է։

Կարլ Փօն Հոհենհաուզէնը ծնուել էր 1816-ի յունուարի 17-ին Միւնստէրում և մի անուանի բարոնի որդի էր, որ ազնուական գոլով՝ համապատասխան պատուաւոր պաշտօն-

ներէ վարել, նախ Վեստֆալի թագաւորութեան մէջ, ապա երբ որ վերջինս լուծուեցաւ՝ նաև Պրուսիայի թագաւորութեան մէջ։ Նորա մայրը մի զօրապետի դուստր լինելով՝ կանուխ հոչակուեցաւ իբրև յայտնի մատենագրուհի գանագան ոտանաւորներով, Բայրընի գրուածոց թարգմանութիւններով, բանասիրական հանդէսների մէջ մասնակցելով։

Ծնողները իւրեանց զաւակին մեծացրին ամենալի անձնութիւնութեամբ, որը որ հենց մանկութիւնից սկսած աչքի էր ընկնում ուժեղ կազմուածքով, վարդագոյն այտերով և մոյգ աչքերով։

Նորա տուածին տարիքներից շատ բան յայտնի չէ։ Իւր հասակի համեմատ շատ կայտառ էր, բայց և խիստ խելօք էր վարքի մէջ։ Հայրը կարծես մըցում էր մօր հետ ծնողական քնքշութեամբ և աչքից չէր հեռացնում որդուն. գրեթէ երբէք չէր գնայ զբօսնելու, եթէ իւր սիրելի որդին հետը չլինէր։

Արդէն 4-դ տարում մանուկը ցոյց տուեց մի քանի բնորոշ յատկութիւններ, որոնք յետոյ պատանեկութեան հասակում աւելի բարգաւաճութեամբ երևեցան։ Զը նայելով իւր խընդասէր բարքին, շատ բան նորա վերայ թողնում էր անցնցելի տպաւորութիւն և յաճախ

արտայալտում եր այսպիսի վճռականութիւն  
և խոհեմութիւն, որ իւր հասակի համար  
խստ զարմանալի էր:

1820-ին ծնողները իրանց որդու հետ գը-  
նացին Բերլին, ուր բաւական երկար ժամանակ  
մնացին: Մայրը խկոյն կապեր հաստատեց  
տեղական գեղասէր և կիրթ շրջանների հետ,  
այնպէս որ Բերլինի գեղեցկասէր հանձարները  
շաբաթը մի անգամ նորա տան մէջ էին ժո-  
ղովում: Նոցա թւումն էր Ռաքել ֆօն Բարն-  
հագէն, որ ոչ միայն զարգացած ոգի ունէր,  
այլ և գեղեցիկ սիրտ, և թէպէտ հրէական ծա-  
գումով՝ բայց իւր հոգեկան առաւելութեանց  
պատճառով ընդունուած էր կրթուած ազ-  
նուականութեան մէջ. ինքնատիպ և հանձա-  
րամիտ Բէտինա Փօն Արնիմ, որ յայտնի է իւր  
նամակագրութեամբ Գեօթէի հետ. Ամալի Փօն  
Հելուիդ, որ արդէն օրիորդ ժամանակ վայե-  
լում էր Շիլլերի և Գեօթէի բարեկամութիւնը,  
որի պարձանքն էր իւր մաքուր բարոյական  
անունը և որ յայտնի էր որպէս ընտիր նկար-  
չուհի: Հայնրիխ Հայնէն ևս այս շրջանի մէջ  
էր, որ այդ ժամանակ ուսանող էր Բերլինում  
և բանաստեղծական երկնքում նոր երեւում էր  
որպէս աւետաբեր աստղ: Նորա ոտանաւոր-  
ները, ինչպէս և «Բատկիֆ» և «Ալմանգօր»

եզերերգութիւնները, արդէն դարձել եր շա-  
տերի ուշադրութիւնը իւր վերայ: Վերջին ե-  
ղերերգութիւնը լիքն է սարսափ և սոսկում բե-  
րող տեսարաններով, ուր ինքնասպանութիւնը  
առաջին դեր է խաղում:

Այս ալսպիսի շրջանումն էր ապրում  
փոքրիկ կարլը մի քանի տարի և միւսոյն ժա-  
մանակ սկսեց սովորել կարդալ ու գրել: Այն  
հանձարեղ կանալք և արք, որոնց ընկերու-  
թեան մէջ որ նա յաճախակի գտնուում էր, զատ  
էին զբաղլում նորա անձով, գովում էին  
գուարճամիտ մանուկի գեղեցկութիւնը, նորա  
տղայութիւնները խստ խելացի էին համա-  
րում, նորա մէջ գտնում էին մեծ հանձա-  
րեղութիւն, և յայտնի կամ լրելեայն կերպով  
մարդարէանում էին, թէ անշուշտ մեծահոչակ  
ապագայ պիտի ունենայ: Եթէ գրականական  
երեկոներում բանաստեղծութեան Մուսայի նո-  
րութիւններ կարդալին, նա միշտ ներկայ էր  
լինում և մտադրութեամբ լսում: Մի անգամ  
հայրը ի լուր ամենեցուն կարդալով Հայնէի  
«Բատկիֆ»-ը, սխալմամբ և շտապելով մի տող  
փախցրեց: Խակոյն վեցամետ մանուկը վա-  
ռուած աշխուժով վազեց հօր կողմը և գոյեց.  
«Չէ, չէ, հայր, դու մի տող թողեցիր, այդ  
խօսքը յետով պիտի գայ:» Զարմացած հաս-



րակութիւնը այս կերպով իմացաւ, որ նա հազ  
զիւ ընթերցանութիւնը սկսած՝ արդէն Հայնէի  
եղերերգութիւնը ոչ միայն կարգացել է, այլ  
և լիովին հիւսել է իւր երևակայութեան մէջ:

Հայրը երբեմնակի նորան թատրոն էր  
տանում, որով նորա երևակայութիւնը այն-  
պէս բորբոքեցաւ, որ նա սկսեց տեսած թատե-  
րախաղերը ներկայացնել իւր քրոջ և թղթէ  
խամաճիկների օգնութեամբ, հարկաւոր հա-  
գուստները և հանդերձանքները ինքնովին  
պատրաստելով. նորան մեծ ուրախութիւն  
պատճառեց նոր տարուալ ընծան, որ էր մի  
փոքր թատրոն:

Ծնողները Բերլինից տուն դառնալով,  
որդուն զետեղեցին մի գիմնազիոն: Նա իւր  
ջանասիրութեամբ յաղթեց հին լեզուների  
դժուարութիւնները, միւս ուսմունքներում ևս  
մեծ յառաջադիմութիւն ցոյց տուեց: Նատ սի-  
րեց աշխարհագրութիւնը, մանաւանդ քարտէզ  
նկարելը: Ինը տարեկան հասակում այս գըժ-  
ուարակիր աշխատութիւնը մանուկին կէս օ-  
րերով պահում էր սեղանի մօտ, մէջքը ծռած  
և ստամոքսը սեղմած: Ծնողները չէին ար-  
գելում, որովհետեւ նկարելու տաղանդ էին  
տեսնում որդու մէջ:

Նորա ուսումնական և կրօնական կրթու-

թիւնը թողնուած էր միայն ուսումնարանին,  
որ լաւ համբաւ ունէր. իսկ մարմնական կըր-  
թութիւնը առաջնորդում էր հայրը: Չմեռը  
նա սառնասահով խայտում էր սառուցի վերալ,  
ամառը լողանում էր գետի մէջ և սովորում  
էր ձի հեծնել:

Թւում էր թէ աշակերտական աշխատու-  
թիւնների և մանկական խաղերի պատճառով՝  
նորա նախկին բանաստեղծական ուղղութիւնը  
պակասել է. բայց այդ միայն երևոյթ էր: Նո-  
րա քոյրերը գտել էին նորա շարադրած եղե-  
րերգութիւնների և ոտանաւորների հատ ու  
կտորներ. և որովհետեւ սկսեցին ծիծաղել նո-  
րա սխալների վերալ, նա այնպէս վիրաւո-  
րուեցաւ, որ այնուհետեւ սկսեց ծածկել իւր  
գրական փորձերը: Մօր խրատը, թէ հարկ չը  
կայ այդպէս կանուխ նուիրուիլ բանաստեղծա-  
կան զբաղմունքներին, այլ աւելի օգտաւէտ է  
ուսանել, կարծես, անհետեանք չը մնաց: Նա  
ոչ միայն սկսեց յօժարութեամբ դասերը սովո-  
րել, այլ ցանկացաւ դասեր տալ: Խաղընկեր-  
ներից իւր համար աշակերտներ ընտրեց, և  
եթէ նոքա հանգիստ չը նստէին, աշխատում  
էր նոցա գրաւել իւր գրապանի գրամով կամ  
փոքրիկ ընծաններով: Այսպիսի նստակեաց պա-  
րապամունքը աւելի հաճելի էր իրան, քան

մանկական խաղը, գուցէ առաւելապէս այն պատճառով, որ ոչ ոքից լետ չմնալու տենչը այնքան չէր իրագործում խաղերի մէջ, որքան եթէ ինքը պստիկների ուսուցիչ հանդիսանար:

Տասներկու տարեկան հասակում մտաւ երրորդ դասարան, <sup>1)</sup> և այդ ժամանակ նորա մէջ ցանկութիւն շարժուեցաւ արտաքին կեանքով ապրել և պատանեկան քաջասրտութիւն ունենալ. այս տեղ էլ նա ուզում էր, որ ոչ ոքից տկար չհամարուի: Բայց միենոյն ժամանակ միշտ զգուշանում էր այնպիսի արարքների մէջ մասնակցելուց, որ մերժելի կարող էին լինել բարոյապէս, և փոյթ ունէր, որ ուսուցիչների կամ հասակաւոր մարդկանց յարգանքը չկորցնէ: Իսկ միւս գիմնազիականների պէս սիրում էր պմնուել հագուստով և արտաքին գիրքով, և աշխատում էր ծանօթանալ սիրուն օրիորդների հետ և չխնտիել նոցա համար անմեղ հաճոյական շնորհքներ: Այդ նշաններում ծնողները տեսնում էին նոր արթնացած ինքնազգացութեան միամիտ արտայատութիւն, և աւելի ուրախ էին, որ որդին արագ աճում և հասունանում է, որ նա այն

<sup>1)</sup> Գերմանիայի առաջին դասարան է կոչվում վերջինը:

աստիճան զուարժ, ուժեղ և վայելուչ երկոյթ է դառնում, որ նոյն իսկ օտարների համակրութիւնն է ստանում:

Սակայն այսպէս զուարձալի կեանքը շուտ վերջացաւ: Տարեկան ըննութեանց ժամանակ գիմնազիոնի երրորդ դասարանը տկար հանդիսացաւ, այնպէս որ ի թիւս ալլոց նաև Կարլի հայրը հրաւեր ստացաւ, որ որդու եռանդը աւելացնելու համար իւր օժանդակութիւնը չինայէ: Հայրը նեղացաւ որդու վերայ և մի աշակերտի հետ ընկերակցութիւն շարունակելը արգելեց, որ պատճառ էր դառնում որդու ցրուածութեան: Մանուկի սրտի մէջ արդէն բռնկած պատուասիրութեան կայծը՝ այս դէպքից յետոյ բոցավառ կրակ դարձաւ: Նա բոլորին կերպարանափոխուեցաւ, ուշք ու միտքը միայն ուսման ընծայեց, փոխադրուեցաւ երկրորդ դասարան և այնուհետև ուսումը շարունակեց կրկնապատիկ ջանքով: Մինչև կէս գիշեր սեղանի մօտ էր նստում, առաւօտեան զարթնում էր ժամի 5-ին, որովհետև դասերից առաջ մասնաւորապէս ուսանում էր անգլիերէն, զբոսանքները դադարեցրեց, իսկ եթէ հօր կամ մօր հետ գնում էր շրջելու, այն ժամանակ ևս աւելի ուսմանց վերաբերեալ խնդիրներ էր յարուցանում: Այնուհետև նա

քիչ էր կարդում վիսլասանութիւններ, որովհետև հայրը արգելում էր բորբոքիչ ընթերցանութիւն:

Տասնուհինգերորդ տարիքի սկզբում Կարլ ֆօն Հոհենհասուգէնը, որպէս աշակերտ աւագերկրորդ դասարանի, արդէն բարձր և նուրբ հասակ ունէր, զուարժ և ուժեղ պատանի էր, ծնողաց պարծանք և միխթարութիւն էր, և սիրելի ու յարգելի էր ուսուցիչների և աշակերտների առաջ: Նախկին տղայական զուարճասիրութիւնը այժմ փոխուել էր ազնիւ արիական լրջութեան, որով թեթև աշխարհասիրութեան և ցրուածութեան հետքն անդամ կորել էր: Ընդհակառակ այժմ նա սկսեց հետաքրքրութիւ ժամանակակից քաղաքական դէպքերով: Յուլիսեան յեղափոխութիւնը և լեհերի պատերազմը ազգութեան համար՝ խիստ տալաւորութիւն գործեցին նորա վերալ: Սակայն այս դէպքերը նորան գրաւում էին ոչ այնքան քաղաքական ձգտումների տեսակէտից, որքան դիւցազնական սխրագործութիւնների կողմից: Բնաւ կարևորութիւն չտալով քաղաքական նորանոր դրութիւններ ստեղծելուն, նորա սիրտը բորբոքում էր մարդկութեան ընդհանուր երջանկութեան համար, ուստի և ծայ-

բայեղ ռամկավարական գաղափարներին չէր համակրում:

Որքան որ նա աշխատութիւնը աւելացնում և հանգստութիւնը պակասեցնում էր, այնքան ծնողները չէին հաւանում այդպիսի չափազանցութիւններին, բայց նա պնդում էր, թէ դոքա հարկաւոր են, որպէս զի զատկին փոխազդուի տենչացած առաջին գասարանը:

Ահա այդ ժամանակից քիչ զգաց մարմնական թուլութիւն: Նորան տանջում էր խոստուկը (փորի կտրատուկիլը) և (որովայնի) խիստ պնդութիւնը: Բժիշկերն աննշան համարեցին հիւանդութիւնը և առ երեւոյթ պարքինեցին: Բայց հիւանդութիւնը ժամանակ առ բարունակուեց կրկնուիլ, այնպէս որ ոչ միայն ծնողները, այլ ինքը Կարլն էլ սկսեց անհանգստանալ հետևանքների մասին: Նորա մտածողութեան մէջ առաջին անգամ բոյն դրեց սեամաղձ երեւակայութիւնը և նա սկսեց յամառութեամբ ինքն իրան համոզել, թէ ժամանակով փոքր ինչ առաջ նկատած ստինքների ուռուցքը և որովայնի անկանոնութիւնը՝ անշուշտ խոլիսեցգետի և ցալքի աղեթափութեան նշաններ են: Զնալելով բժիշկների հանգստացուցիչ կարծիքներին, պատասխու սրտի մէջ երկիւղներ բուսան, որ այլ ևս

ըլ ջնջուեցան, այլ ընդհակառակ անբուժելի կերպով ծածուկ ծաւալեցին:

Այլ այս հիւանդական երևոյթները նորա ծաղկափթիթ դէմքին ոչինչ վնաս չտուեցին, այնպէս որ ծնողները հաւատացին, թէ ամենայն ինչ անվնաս կվերջանալ: Նա սկսեց փոխանակ սեղանի՝ երկալն գրակալ գործ ածել, որպէս զի երկար նստած շմնայ պարապելիս, թողեց երաժշտութեան և անգլիերէնի դասերը, կանոնաւոր կարգ և զգուշութիւն մշտցրեց կերակուրների մէջ, շուտ շուտ զբօսնում էր և զանազան ջրեր էր խմում:

1831-ին այսպիսի միջոցների գործածութիւնը կարծես օգնեցին, բայց շուտով հիւանդութիւնը աւելի ուժով սաստկացաւ, մինչև որ ծածուկ տիրութիւնը ծայրագոյն յուսահատութեան փոխուեցաւ: Նորա վարմունքի մէջ սկսեց նշմարուիլ մի սառն և դաժան յամառութիւն: Հետևեալ տարին էլ շատ անգամ խաւար էր լինում դէմքով և ինքն իւր մէջ լնկղմած, բայց ցաւի մասին ուշ ուշ էր գանգատուում: Մի անգամ պատահմամբ յալունեց, թէ իւր մտածողութիւնը սկսում է շըփոթուել և լիշողութիւնը թուլանալ, և թէ կեանքը այլ ևս չի ուրախացնում իրան: Նորա առողջ դէմքը խարում էր բժիշկներին,

որոնք չէին տեսնում հիւանդութեան ծանրութիւնը, իսկ դառնաշունչ յամառութիւնը աւելի հասակին էին վերագրում ծնողները, և ոչ թէ հիւանդութեան, այն ևս առ ժամանակեայ արածադրութեան, քանի որ նորամիւս վարմունքների արտայալտութիւնները քնաւ չարագուշակ չէին: Միշտ իւր ընկերների հետ էր լինում, նոցա հետ ի միասին սրախաղութեան և հրացանձգութեան վարժութիւններ էր անում: Երեկոները երգում և պարում էր քոյրերի հետ, հանաքներ էր անում հօր հետ, և առ հասարակ նորա վարքը չէր զանազանում այն ամրակազմ և կենսազբուարթ պատանիների վարքից, որոնք նորա հետ ի միասին պատրաստում էին գիմնազիոնից անցնել համալսարան:

1833-ի զատկին Կարլ Փօն Հոհենհառոգէնը վերցնական քննութեան ժամանակ ստացաւ հասունութեան վկայական № 1, որ նորա պատուասիրութեան գլխաւոր նպատակն էր: Բայց այնքան երկար ժամանակ երազած և ալժմ կատարուած իրողութիւնը կարծես թէ նորան չբախտաւորացրեց: Ամենայն համեստութեամբ բայց սառն սրտով և ճակատը ամպամած, մեկնեց նոր ընդունած վկայական իւր գերերջանիկ հօրը այս խօսքերով. «Ա-

Հա հայրիկ, քեզ բերում եմ վկայական № 1.  
Ես այդ ստացայ, բայց արժանի չէի»:

Հանքալին ջրերի գործածութիւնը դարձեալ թեթևութիւն տուեց նորան: Իսկ ծընողները աւելի լոյս էին գնում իոնն գնալու ճանապարհորդութեան, Հուենոսի գեղեցկութիւների և ուսանողական ազատ կեանքի վերայ: Ա.փառս, որ լոյսերը ի դերև ելան:

3

Թէ որքան կարեոր հանգամանք է դաստիարակութեան մէջ, որ մտադրութիւն դարձնուի պատանու ոչ միայն արտաքին գործքերի և հրաժարումների վերայ, այլ և կարդալ նորա սրտի մէջ, իմանալ նորա մտքերի և զգացումների զարգացման ընթացքը, կարօտ չէ ապացուցի: Անփոյթ դաստիարակիչները մինչև անգամ մտքով չեն անցնում, որ մի փորձ փորձեն սանիկի ներքին աշխարհը հետազօտելու. նոքա նորա արարմունքերի շարժառիթները թեթև սրտով աճապարանօք դատում են այն կանխակալ կարծիքներով և հայեացքներով, որ նոքա կազմել են իրանց անձնական մտածելու և զգալու կերպերից: Սակայն այս գործը շատ հեշտ չէ. նոյն իսկ

ամենաբարեխիղճ դաստիարակութիւնը շատ անգամ կդժուարանալ ուղիղ գաղափար ստանալ մանուկի ներքին կեանքից, որովհետև արտաքին նշաններից ներքին շարժումների մասին եղբակացութիւնը, երևոյթներից՝ պատճառների գիտութիւնը —մեծ մասով սխալ են դուրս գալի:

Կարլ Փօն Հոհենհառեգէնի ծնողները չը գիտէին նորա ներքին կենաց պատմութիւնը. բայց հարկաւ գժուար է մեղադրել նոցա այդ պատճառով: Որովհետեւ նա ինքը խիստ ծածուկ էր պահում իւր ներքին աշխարհը ուրիշներից, և միմիայն նորա թշուառ վախճանից յետոյ մնացած օրագրութիւնները, ուսանաւորները և նամակները մի լոյս են սփոռում այդ մասին: Նորա թողած թղթերից ահա կը քաղենք նշանաւոր տեղեկութիւնները:

Իւր օրագրութիւնը սկսել է 12 տարեկան հասակում: Այդ ժամանակից երկու քնորոշ ծանօթութիւն կայ: Մէկի մէջ նա խօսում է մի «ծեր պատուական պարոնի» մասին, որին որ իւր ազգականների մօտ շատ անգամ տեսել է, և որից որ ինքը մի գովասանական ոտանաւորի է արժանացել, ևսակայն բանաստեղծութիւնը լաւագոյններից չէր, այլ մի շարադրութիւն առանց չափի և իմաստի:

Երկրորդը թատրոնին է վերաբերում: 1828-ին թափառաշրջիկ դերասաններ էին եկել իւրեանց քաղաքում ներկայացումներ տալու, որոնց մասին այսպէս է գրում. «Այժմ շուտ շուտ թատրոն եմ գնում: Երէկ տեսայ Իցկօ թատերախաղը: Մի անգլիացի մեծ հմտութեամբ ձեացրեց նորան: Բուրգունդիալի կոմսը լաւ չներկայացուեցաւ, թատրոնն էլ դատարկ էր: Նէքսպիրի Սէրն ամենայն ինչ կարող է ինձ շատ գոհացրեց. նոյնպէս և Պրեցիոզան: Աւագակների հարսը շատ չհաւանեցի»: 1830 թուականին դեռ ևս սրտի վեղումները օրագրութեան մէջ նոյնպէս մեծ ծաւալ չունին, բայց աւելի խոր բացւում է նորաներքին կեանքը, որը բոլորավին ուրիշ գոյներով է ներկում: Հէնց առաջին տողերում, որ մալիս ամսով են նշանակած, լիշտակում է իւր սրտի վէրքերը և թախծութիւնը: «Ես մտադիր էի շատ բան ասել իմ ցաւի, իմ տըխրութեան մասին, որ թւում էր, թէ զգում եմ իմ մէջ, և իրօք որ զգում եմ, որպէս զի իմ անձիս համար փոքր ինչ հետաքրքրութիւն շարժեմ իմ մէջ, բայց ինքս չեմ հասկանում, թէ էլ ինչո՞ւ չեմ կարողանում: Չեմ ուզում թղթի վերայ անցուցանել ցաւերս. ես այնպէս եմ կարծում, որ այդ պատճառով նո-

քա կը կորցնեն իրանց բանաստեղծական հրապութը: Յետոյ գալիս են խոստումներ, թէ ուզում է ջանասէր, կարգապահ, լաւ և բարի լինել, և յոյս՝ թէ կը հասնի այդ նպատակներին:

Ապա առաջին անգամ ակնարկ է լինում, թէ 14ամեայ պատանին սկսել է մանր քննել զուութեան գաղտնիքը, զարհուրած երկբայել իւր զօրութեան մեծութեան մասին, և այդ բաները նկարագրելիս նշմարւում է ձգտում բառերով խաղալ: Իսկ իւր նկարագրերը ծանուցանող կտորը այս է. «Այսուհետեւ էլ ինչո՞ւ խօսիմ իմ մասին: Զէ որ ես ինքս գեռ լաւ չգիտեմ, թէ ես ով եմ և ի՞նչպէս եմ. երեխ այս ծագում է նորանից, որ ես հասարակ սովորական մարդկերանցից եմ, այն ևս այն պատճառով ես աւելի հասարակ և սովորական մարդ եմ, որ չէի ուզենայ ալդպէս լինել: Եհ, այս ցանկութիւնը բնաւ անսովոր բան չէ»

Յետոյ իմանում ենք, թէ նա պճնում է կերպարանեալ զիւրազգացութեամբ և տիրութեամբ, ուստի սիրում է մենակ զբօսնել, և թէ բնութեան վերալ զգածական հայեցողութիւնը քաղցը է իւր համար: «Կար ժամանակ, երբ որ ես բոնադատում էի սիրտս, որ տխուր լինեմ, կամ աւելի լաւ է ասել, երբ որ սըր-

տով ուզում էի տխուր երեւալ, և ոչ թէ լինել: Այդ ժամանակը գեղեցիկ չէր. բայց աւելի լաւ էր, աւելի գեղեցիկ էր, քան երկրորդը: Այս անգամ տխրութիւնն ու վիշտը իմ մէջ ոչ այնքան արտաքին տպաւորութիւններից էր ծնւում իմ մէջ, որքան իմ ոգու և սրտի շարունակ զարգացումից: Թէ և տակաւին մի մանուկ էր, ինչպէս որ այժմ ևս նոյն եմ, բայց վիշտ շատ խոր էր, և այն ինձ ցանկալի չէր. ոչ, ես ատում էի նորան, և միայն նուազ գէպքերում քաղցը թախծութիւնը թեթևացնում էր իմ տանջանքը: Այժմ — բայց այժմ ես ինձ դարձրել եմ մի հանելուկ, և իմ ցաւի տեսակը — նոյնպէս մի հանելուկ է: Ես սիրում եմ վիշտ և կարօտ քաշել, դոքա քոյր և մայր են թախծութեան, և շատ անգամ ինքս հետամուտ եմ դոցա, զոր օր, զբօսնելու ժամանակ»:

Այդպէս զբօսնելիս մի գեղեցիկ օր նա կիսաձայն խօսելով ու ցնորելով թափառում էր դաշտի մէջ գէպի վայր, իւր միտքը կորցնելով այն լեռների զննութեան մէջ, որոնք որ կազմում են վեստֆալեան կոչուած դուռն. նորա սիրտը սկսում է կարօտով թռթռալ. նորան թւում է, թէ լեռների լետե այն Հերքորդն է, ուր տարիներ առաջ այնպէս ու-

րախ և զուարիթ օրեր անցուց իւր ազգականների մօտ: Յանկարծ կարօտակէզ սրտով արտասւում է. «Ուր է ձգտում սիրտս. գէպի Հերքորդ: Ոչ, աւելի, աւելի վսեմ կարօտութիւն ունենալու է ձգտում: Ոչ, ոչ, գէպի ոչ մի բան, ոչինչը փրփուր է, ինքս էլ չը գիտեմ»:

Այս խօսքերի շարունակ լթիւնը վերջանում է մի քանի բռնազբօսիկ համեմատութիւններով և բառախազերով, որով յայտնի է դառնում սրամիտ լինելու ճիգ և շանք:

Նոյն թուականի յաջորդ արձանագրութիւնը սկսում է յուլիս ամսով, և նա ցոյց է տալիս, թէ մայիսին սկսուած թախծական անորոշ տրամադրութիւնը այժմ մարմնական տկարութեան պատճառով արգէն հաստատ կերպարանք է առել: Նա երեւակայում է, թէ ծածուկ աղէթափութիւն և խոլիսցգետի ունի, և վճռել է գնդակով, թոյնով կամ ալիքների մէջ մահ կոչել, եթէ այդ երկու հիւանդութիւնները յայտնուին: Այս վճռը յանկարծակի չի կազմուել, այլ նա շատ անգամ խորհել է, մինչև անգամ մարմնական ախտերից առաջ և միայն իւր հոգեկան բորբոքուած վշտերի դրդմամբ: Նա երկութեան մէջ էր, արգեօք իսպառ կը ոչնչանալ,

թէ աւելի լաւագոյն գոյութեան մէջ կը փոխուի, եթէ «այս թշուառ աշխարհը» թողնէ. բայց նա դարձեալ նազեր է անում և զարդարւում է վշտով, կարօտով և թախիծով, ալդ վիճակը գեղեցիկ համարելով, «թող ոչինչ ըլ լինի, բացի վշտից, ոչինչ, բացի թախծութիւնից և նորա քոյր կարօտ քաշելուց»: Այս այնքան քաղցր է, որ առաջուայ տարակոյսները, այն «անլեզու յուսահատութիւնը», «կարծըր, ցուրտ անսպատը», չի կարող նորա կրծքի մէջ իշխել և լաղթանակել. «վառք Աստուծոյ, գեռ ընդունակ եմ զգալ տիրութիւն, քաշել կարօտ, և մինչև որ այդ բանը կարող եմ, թէպէտ կրծքիս մէջ ամայութիւն է, այլ չեմ յուսահատուի և կերթամ խնդութեամբ կը լանձնեմ տնձս մահուան»: Նա աշխատում է թոյն ձարել, իսկ երբ որ չի յաջողուում, վըճում է վառօդ և արճիճ ձեռքբերել:

Յուլիս ամսի վերջերը անյայտանում է ինքնասսպանութեան այս մթին տրամադրութիւնը. նա լիշում է առաջուայ երջանիկ օրերը, «երբ որ ինքը» կարողանում էր իւր մէջ բռնի կերպով վիշտ բարձրացնել» և ալդ վիճակով ուրախ լինել. յոյս ունի մարմնական տկարութիւնից փրկուիլ, և մեծամեծ հոգսերի մէջ է, որ աւելացնէ իւր ջանասիրութիւ-

նը և յաջողութեամբ աւարտէ գիմնազիական ուսումը: Նշանաւոր է հետևեալ գանգատը. «Բարեկամներ չունիմ, այլ հաղորդակցութիւն շատերի հետ. բոլոր դասընկերներս հասակով մեծ են ինձանից, ուստի և ես դեռ ևս համարւում եմ անկատար ծձկեր»:

Այս ժամանակուայ ոտանաւորների նիւթեն կազմում՝ միայնակութիւն, առաւտօեան արե, աշունք, գուռն լեռներ, անտառ, բայց բնաւ թախծութեան գոյն չունին, այլ աւելի զգացական և մտայոյզ խորհրդածութիւններ են բնութեան մասին:

Օրագրութեան 1831, 1832 և 1833 թուականի արձանագրութիւնները, ուրեմն երբ որ նա 16 և 17 տարեկան էր, ցոյց են տալիս նորա սրտի նշաններն աւելի որոշ կերպարանքով, քան առաջ, որ լոկ միայն ակնարկներով էին արտայալտուած կամ ոչ այնքան պայծառ գունաւորուած:

Նատ կտորներում արտայալտում է գերազանցելու կարօտութիւն, ի մանկութենէ սկսած բարձրութեան և մեծութեան ձգտում, բայց և միւնոյն ժամանակ նոյն նպատակներին հասնելու անկարողութեան զգացում, ինքըն իւր ոլժերից խաբուած մնալը և վերջապէս անինքնավստահութիւն:

Մի անգամ մայրը նորան ասել էր, թէ  
լաւ չէ, որ խափանում է իւր ճախրող հան-  
ճարեղութեան թռիչքը, որ կարող է դեռ  
մեծ ապագայ ունենալ։ Հայրը այս գուշակու-  
թիւնների դէմ կասկածներ է յայտնում, իսկ  
որդին այսպէս է խօսում օրագրութեան մէջ.  
«Հայրս իրաւունք ունի—բայց կիսով չափ. ես  
ինքս երբէք չեմ ձգտի այնպիսի տեղ ըռնել  
կեանքի մէջ, որ սովորականից բարձր չլինի։  
Այն ոգին, որ մօրիցս ժառանգել եմ, այն  
տեսակից է, որ ես բարձր վսեմութեան պիտի  
ձգտեմ, և ես կարող էի ինձ լոյսերով փա-  
ղաքշել, թէ այն ոգոյ ընդունակութիւնները  
ինձ զօրութիւն կը տան իմ նպատակիս հաս-  
նելու, եթէ ոգին այնպիսի մարմնում բնակ-  
ուած լինէր, որ կարողանար ոգւոյ ձգտու-  
մները իրագործել։ Այն ժամանակ ես ցոյց կը  
տայի, թէ ինչպէս իմ կեանքը հաստատ և  
հետեղական է, իմ յարատևութիւնը ան-  
խախտ, իմ արիութիւնը անընկճելի, և թէ  
ուրեմն իմ զօրութիւնը բաւական է, որ մարդ-  
կանց ամենայն հակառակութեան և ճակա-  
տագրի հարուածներին կատարելապէս դի-  
մագրաւէ»։

Գերազանցելու փափագը արտայալտում  
է այսպիսի զեղումներով.

«Իմ սիրտը թմրում և միշտ թմրում է։  
Կար ժարանակ, որ վիշտս իմ հպարտութիւ-  
նըն էր. ես երազում էի, թէ նորանով կեն-  
դանութիւն ունիմ, թէ ես իմ հոգեկան ոլժե-  
րի մէջ եմ և կամ դարձեալ նորանով, և այդպէս  
իմ շրջապատողների մէջ միշտ ես էի փայ-  
լում։ Այժմ ևս չեմ ուզում ուրանալ, թէ  
ամենայն կողմերից այնքան արժէք կարող էի  
ունենալ, ինչքան և ուրիշները, եթէ իմ ար-  
տաքին պարագաները այլապէս կազմուէին։  
Բայց այժմ ոչ միայն նոցանից պակաս եմ,  
այլ բնաւ ոչինչ եմ։ Իմ սիրտը փափուկ է, ես  
զուրկ չեմ իսպառ բարոյական և բանաստեղ-  
ծական զգացումից, և ուրեմն ես կարող էի  
լինել բախտաւոր, հետեւապէս և ուրախ։ —  
—Առաւոտեան արթնում է միայն մարմինս,  
իսկ հոգիս այլ ևս չի փոխում իւր վիճակը  
օր ու գիշերուալ մէջ, ինչպէս մի կիսակոյրի  
տեսողութեան գործարանը. այսինքն՝ հոգիս  
գիտէ և զգում է իւր թշուառութիւնը, թէ  
նա մի հաշմ է և մաշուած է մտածողութեան  
համար։ Զէ, Աստուած վկայ, լաւ է շիլ լինել,  
քան կոյր, անարգութիւն կրել, քան ցաւակ-  
ցութիւն, սրիկայ լինել, քան գարմանի գլուխ։

«Ես եմ, մարդկանց բազմութեան պէս,  
ապականուած բնակութիւն։ Ես ճնշման տակ

Եմ և չեմ կարող աղաղակել, ինչպէս որ կուզենայի: Մի ցոկակապ արջ եմ: Իմ ցոկակապըն է հիւանդութիւն, լիմարութիւն, հռդոյ աղքատութիւն: Մտքեր գողանալ, կամ քաղել և կցկել, իմ բանս չէ: Այդպիսի խայտարդէտ կարկատանքներից կը կազմուի միայն թութակի պատմուճան. այս ինձ չի յարմարի: Իմ տառապանքը խիստ խոր է, իսկ երեակայութիւնս մնում է մակերեսոյթի վերալ: — —  
Ես թշուառ էակս, հոգով աղքատս, պէտք է գոհ մնամ, որ կարողանում եմ շարադրել գէթողորմելի և կցկտուր համեմատութիւններ, որ ամեն մի գծուձ թերթում կարդում եմ աւելի նուրբ, կորովի և ինքնազիւտ ձեռվ արտայալուած: Իւրաքանչիւր քրտնաճիգ էակ, անշունչ մեքենայ, զրաբան, որի բոլոր խելքը լոկ միայն ճարտասանութիւն է, աւելի հմուտ խօսակցութեան, վիճաբանութեան մէջ, քան ես: Շատ անգամ ասես թէ ինձ ու ինձ լլկելով խոնջեցնում եմ, մինչև որ իմ զգացման համար պատշաճ բառեր եմ գտնում: Բայց երբէք չեմ կարողանում հասնել գէթովորականին: Ես սագի պէս կարկաչում եմ հրապարակաւ իմ անհամ շաղակրատութիւնները, և եթէ աշխարհքի անէծք է բութ անհանճարեղութիւնը, այն ժամանակ իմ խըզ-

ճուկ գոյութեան հոգեկան և մարմնական փտած պտուղները կարող էին սնունդ տալ ամեն հետևակախօսութեան և բոլորից էլ անցնել. բայց մի և նոյն ժամանակ փառք եմ ծարաւում կեսարի ծարաւով: — Իսկ ե՞ս: Փոխանակ հասնելու այն բանին, ինչ որ աղերսում էի, կորցնում եմ և այն, ինչ որ ունէի. և եթէ մի բան թղթին եմ յանձնում, այն չունի ոչ համեմանք և ոչ ամոքանք, այլ աղի է ծովի ալիքների պէս, դառն է որպէս լեղի:

— — «Երբ որ մանկութեան քնից արթնացալ և քիչ քիչ մտաւոր աչքս բաց արի, ես տեսայ ահեղ բաներ մէկ մէկու յետևից, որպէս զի յետոյ նոյն աստիճաններով տեսութիւնս հետզհետէ փակուի: Ես ունէի պայծառ միտք, մեծ ինքնազգածութիւն, մի կուրծք լիքը յափշտակութիւններով և ծրագիրներով. Երբ որ պատանեկութեան շէմքում էի կանգնած, ես կարծում էի, թէ տիեզերքի զարկը իմ երակներիս մէջ եմ զգում. ոչ մի նըպատակ ինձ համար անհասանելի չէր, փառքը իմ եղբալրս պիտի լինէր, վտանգը՝ իմ հարսս: Բայց աւա՞զ, երազած բախտաւորութեան գլխապտոյտ բարձրութիւնից, յանկարծ գլորուեցալ և այնպիսի վէրքեր ստացալ, որ էլ չբժշկուեցան: Երբ որ իմ լոյսերի աւերակ-

ները այսպէս կուտուեցան իմ առաջ, այնու  
ամենայնիւ տոկալու զօրութիւն գտայ և ա-  
պաւինեցալ այն ամենին, ինչ որ մարդու սիր-  
տը վսեմացնում է, մանաւանդ զիտութեան.  
ինձ մխիթարողը պիտի լինէր ուսումը և նորա  
ձեռքից բոնած պիտի առաջնորդուէի բարի  
կենաց մէջ: Սակայն, այն ինչ պատրաստում  
էի իմ լքուած հոգու մնացած բոլոր եռան-  
գով գրաւել այդ լոյսը, դա էլ ցնդուեցաւ,  
այդ դատարկ ցնորական պաճուճանքը»:

— — «Ոչ ասլրելու քաշութիւն ունիմ,  
ոչ երեակայութիւն, ոչ մի խելօք բան եմ մը-  
տածել, և ոչ գործել, բայց արդէն 17 տարե-  
կան եմ: Ճակատագիրը խլեյ ինձանից այն,  
ինչով որ մարդ մարդկութեան մէջ որոշում  
է, այն է ինքնազգածութիւն»:

— — «Իմ դժբախտութեան արտաքին  
պատմական կողմը ինքն ըստ ինքեան մոլեգ-  
նութիւն կարող է պատճառել: Մինչև 12 տա-  
րեկան հասակս անմեղ անցաւ, բախտաւոր  
էի, ինչպէս ամենայն մարդ: Ինձ ասում էին,  
թէ ես շատ կանուխ պատուական ձիրքերի  
տէր եմ դարձել և մեծամեծ լոյսեր եմ տալիս:  
Ես ինքը ևս փառասիրական ծրագիրներ կադ-  
մեցի՝ իմ կենսական վաղահաս հայեացքներով,  
ևս զգում էի, որ հասակից վեր եմ գնացել և

ինձ համարում էի այն սակաւների թւում, ո-  
րոնք ընտրուած են, թէպէտ ամաչում էի  
խոստովանել: Ես մեծացալ, և հէնց որ ճա-  
կատագրիս քողը բաց արի, իմ կազմութեանս  
մէջ տեսալ այնպիսի ծանր մարմնական ախ-  
տեր, որ իմ լոյսերից նաև ամենահամեստնե-  
րին ծաղրել կարող էին: Բոլոր բժիշկները ինձ  
համարեցին կատարելապէս առողջ: Այդ հերեք  
էր, որ հաւատալի, թէ իմ երկիւզները իս-  
կութիւն են և ոչ անհիմն: Այս խօսքերով  
հեգնում եմ ոչ թէ բժշկական գիտութիւնը,  
այլ այն հիւանդութիւնը, որ անճանաչելի է  
և անբուժելի: Իմ զգացումը վստահելի վկայ  
էր գորա գոյութիւնը բնաւ չկասկածելու հա-  
մար: Բայց այդ զգացումը իմ դժբախտութիւն-  
ների մէջ ամենափոքըն էր. աւելի սարսափելի  
էր այն ազդեցութիւնը, որ նա շատ շուտ գոր-  
ծեց հոգուս վերայ: Այս անկարող եմ նկարա-  
գրել: Իմ բոլոր ծրագիրները թող տուի, իմ լոյ-  
սերը մէկդի նետեցի, ինչպէս մասխարայի խայ-  
տաձամուկ ցնցուտիներ, որոնցով որ բախտը ինձ  
ցանցել էր. բոլոր հոգեկան զօրութիւններս  
լուծուեցան մի անպատում ցաւի մէջ: Այնու-  
հետև կամաց կամաց կազմուեցաւ թշուառ  
ախոնդեան ախտը, սևամաղձը: Իմ կամքը ան-  
տարբերութեան փոխուեցաւ, իմ զօրութիւնը

անզօրութեան, իմ ապրելու համարձակութիւնը մարդատեցութեան։ — Ինձ համարեցին թեթևամիտ, կենսասէր, ցնծութիւն փնտուղ, ամենայն ինչ, բայց ոչ գժեախտ։ Երևի թէ իմ վարմունքը, իմ դիմակը տեղիք տուեց այդ կարծիքին։ Եւ հէնց այդ դիմակն էր, ինչ որ մնացել էր ինձ։

---

«Մոլորած աչքերս զուր են փնտուում հորիզոնում մի ուրախարար կռուան, մտքերս զուր և անմխիթար թափառում և թափանցում են իմ ապագայ կենաց մէջ, որպէս զի մի լոյս, մի զուարժ ակնկալութիւն նշմարեն։ Առանց անցեալի, վասն զի չգիտեմ թէ ուստի՝ առանց ապագայի, վասն զի չգիտեմ թէ ու՞ր, եմ՝ նաեւ առանց ներկայի։ Ուրիշ մարդիկ էլ ինձ պէս աշխարհը են եկել և նոյն վիճակն են վայելում, նոքա հանգիստ են, նոքա ուրախանում են իւրեանց գոյութեան պարգևով, մինչեւ որ և որովհետեւ որ հանգիստ են։ —

«Ինձ, որին որ կրօնի սիւները սառն աւերակ են երեսում, որին որ գեղեցկութեան գաղափարը չի բաւականացնում, մնաց միայն ազնւութեան, վսեմութեան, առաքինութեան գաղափար»։ — —

«Կեանքի բեռը մղում է ինձ սաստկա-

պէս, որպէս դաժան և աւերակող փոթորիկ։ Իմ մատաղատունկ յուսոյ ծառը տերևաթափ, սնամէջ և փտած է, իմ հաւատոյ վէմը հերձուած և փլած է, իմ առ Աստուած և տիեզերք սիրոյ ծաղիկը էլ չի կարող մեղմացնել փոթորիկը, նա թոռոմել է. չունի գոյն, բոյր և տերև։ — Այս աղէտալի դրութեան դէմ ապստամբեց սիրտս, խնդրեցի վախճան։ Բայց փորձեցի մի անգամ էլ սիրտ առնել, հալածել գեերին և նոցտ տեղը տալ բանականութեան, որ սա ինձ խրատէ թէ ինչ անեմ, արդեօք հնազանդուիմ թէ ոչ, արդեօք ազատ է ձեռքը, թէ կապած է սուրբ պարտականութեամբ։ Բայց ամենից առաջ պէտք է իմանալի, թէ ինչ եմ կորցնում, ինչ վարձք կարող եմ ստանալ հանդերձելում։ Ինչ կապ կայ Աստուծոյ, մարդկութեան և կենաց մէջ։ Ապա թէ ոչ իմ վարանող կարծիքներից կարող է ծնուել շտապովի գործք, զուրկ այն հոյակապ վայելչութիւնից, որ հաստատութեան, պայծառութեան և հետեւզականութեան արգասիք է։»։ —

«Ինչ որ ժողովրդեան նախապաշարումը համարում է, թէ աստուածութեան աղամանցեալ բնակութիւն է, այն միայն ծովս է կապուտ։ Հապա եթէ և այն, ինչ որ նորանից վերև և ներքեւ է...» — —

«Առանց սովեստութեան իմ կարծիքս է,  
թէ ես ինքնիշխան տէր եմ իմ կենաց և մա-  
հու: Բայց և այնպէս կամենում էի 4 կամ 5  
շաբաթ փորձել, արդեօք իմ պարտքս է ապ-  
րե՞լ, թէ իմ և ուրիշների առաջ պարտաւորու-  
թիւն ունիմ մեռնելու: Ահա երկու գիշեր  
ձեռքերս պարզած աղիողորմ աղաչում եմ Տէր  
Աստծուն, որ առաքէ ինձ հանգստեան հրեշ-  
տակ, որ գէթ մի օր կամ մի շաբաթ մըտա-  
տանջութիւններից ազատէ ինձ: Աղօթքս ան-  
լսելի մնաց, ուրեմն ճակատագրի զէնքերի  
դէմ ուրիշ ոչինչ չի օգնում, բայց եթէ կըո-  
ուելու հըմտութիւնը: Եթէ այս էր փորձը,  
ես անշուշտ լաւ չդիմացայ. հիմա անօգուտ  
է, որ ինձանից համար ու հաշիւ պահանջեմ,  
մնում է միայն, որ ես ինձ ցաւակցեմ: Տէր,  
դու որ անսկիզբ ես, մարդ ուզում է սկիզբ  
ունենալ, ոհ, պէտք է այդպէս ուզենալ: Եր-  
կու օրով գէթ փրկիր ինձ հոգսերից: Տուր  
ինձ սկիզբ, որպէս զի ասել կարողանամ, թէ  
Տէրը հրաշք գործեց ինձ համար, այն ժամա-  
նակ ես էլ հրաշք կը գործեմ Տէր Աստծու  
համար, և աւելի վեր կը հանդիսանամ, քան  
փառաւորուած հերոսները, որոնք զէնքը հա-  
նած խիզախաբար կուել են, մինչդեռ ես  
ջլատուած և ձեռքերս կապած մագլցում եմ:

— Սկզբից յետոյ, Տէր, տուր ինձ շուտ և մի  
վերջ: — Ամէն: —

«Երբ որ իմ զգացման սաստկութիւնը  
առժամանակ թուլանում է, երբեմն ցան-  
կութիւն է գալիս խորհել վիճակիս մասին,  
բայց անմիսիթար է այս գործը, կողցրած  
աշխատութիւն է, որովհետև անդրադառնու-  
թիւնը ամպերով է շաղաղւում, իսկ իմ է-  
ութիւնը աւելի ևս շփոթ հանելուկ է: Առ  
հասարակ ես լաւ տեսնում եմ, որ վիշտը չի  
խելօքացնում. դա իմ աչքը ոչ թէ սրեց, այլ  
միայն թեքեց և դարձեց, նախ և առաջ կրօնի  
և նորա դրութիւնների մերկութիւնների վե-  
րայ, դա ինձանից խլեց կրօնը, որովհետև կը-  
րոնի հաստատութիւնը զգացման մէջ է, իսկ  
իմ բնութեան յարմարում է միայն զգացուած  
զգացմունքը»: —

«Ես այնպիսի ազգեցութիւն եմ ստանում  
առաքինութիւնից, ինչպէս ուրիշները մեղքեց.  
Ես չեմ կարողանում նորանից բաժանուել:  
Իմ արցունքները, հառաչանքները բնաւ չը  
կարողացան ջնջել այն միտքը, որ ինձ անդա-  
դար խրատում է, թէ վերջին մեղքը յապա-  
ղեցրու և յետաձգիր: Մի տաս անգամ երդուել  
եմ, վաղը վերջ դնել կեանքիս, և տաս ան-  
գամ էլ դրժել եմ ուխտը: Բայց այդ ինձ այն-

քան օգնեց, ինչքան և երդումս, թէ վաղը ու-  
զում եմ բախտաւոր լինել:—Այս օր էլ ջերմ  
արտասուք թափեցի: Զկալ մի էակ ոչ երկըն-  
քում և ոչ երկրում, որ նորան միամիտ հա-  
ւատով մերձենամ, նորա առաջ սիրտս բա-  
նամ: —Նատ անդամ փորձում եմ աղօթքի  
մէջ մխիթարութիւն գտնել, բայց ես Աստու-  
ծոյ հետ չեմ, Աստուած ինձ հետ չէ: Մար-  
դիկ ինձ չեն հասկանում, որովհետև ինձ պէս  
գեռ ոչ ոք չի չարչարուել»:— —

«Կրօնը կորուսի և զարմանալի կերպով  
բարեպաշտութեան տեղը գրեցի սնոտիապաշ-  
տութիւն և նախապաշարում: Ես եմ միան-  
գամայն հայհոյիչ, անսատուած, միստիկեան  
(նըբաքնին ի հոգեորս): Հաւատոյ գեղեցիկ  
իսկութիւնը, ճիշտ օրինակը, համարեցի ան-  
գոյն, անպաճոյն. իսկ նախապաշարումը, այն  
հոյակապ երկի ներկած պատճէնը, կոպիտ  
նմանութիւնը, իմ երևակայութեան մէջ լաղ-  
թանակ է ստանում»:— —

«Միայնակութեան ժամանակ, երբ որ սիր-  
տըս ամայի և շփոթութիւն է, ինձ այնպէս է  
թուում, թէ միայն իմ մարմինը չէ սուազած  
գերեզման, այլ ամբողջ ահագին արարչութիւ-  
նոյնպէս մի ահագին ստութիւն է, որ հա-  
զարաւոր և բիւրաւոր մարդկանց սըրտեր խա-

բել է մի սիրոյ, իմաստութեան և լաւիտե-  
նական էակի ամենակարողութեան շլացուցիչ  
առասպելով: Այսպէս կորուսի հաւատ առ Աստ-  
ուած, որովհետև ինքս ինձ այլ ևս չէի հա-  
ւատում: Թող շատ նուրբ լինի արդպիսի սը-  
տութիւնը և անթափանցելի նորա հիւսուած-  
քը: Թող կրօնի սկզբունքները դիւրազգաց մա-  
տաղ սրտի մէջ հրեղէն գրով գրոշմուի խզմի  
և հաւատի մետաղի վերայ, բայց եթէ մի  
դժբախտութիւն սկսէ իւր դժոխալին փոթոր-  
կութիւնը, այն ժամանակ հրեղէն գիրը կը  
սըբուի, ինչպէս գարմանը հողմից, և կը մնայ  
դատարկութիւն և բաւական տեղ յուսահատու-  
թեան դեերի համար»:— —

«Ներիք է, հատորներ կարող էի լցնել  
ողբերով և գանգատներով, և վախճանին չէի  
հասնի: Տէր, դու տեսնում ես իմ սիրտը,  
գիտես իմ արցունքները, լսել ես իմ հառա-  
չանքները: Զգտեցի ուղիղ մտքով, բայց ձեռ-  
նունայն գարձայ:»:— —

«Ծնողներին գրած նամակս իմ սիրտը  
հալեց և ստրջացայ. ստիպուեցայ մոռանալ  
մինչև անգամ իմ անսատուածութիւնը, ա-  
զատամտութեան մոլութիւնը, և կէսբերան  
միայն ծաղրեցի կրօնը. նամակը ինձ ուղղեց  
բարեպաշտութիւնս աճեց... ո՛ւշ է»:— —

«Կը ցանկալի, որ ինքս լինէի իմ ստեղծող, այն ժամանակ ես կարող էի հեղինակին անիծել, իսկ այժմ, թէպէտ մի աղօտ գաղափար ունիմ Աստուծոյ մասին, չեմ համարձակում հայհոյել նորան։ Բայց նա ինձ թողեց, ես էլ թողնում եմ նորան և աշխարհքը։ Իմ հնազանդութիւնը այնքան է, ինչքան և նորա պարգեւած չնորհքը։» —

«Բայց հաւատացէք (ծնողներ), իմ սիրտ սերտ կապուած էր ձեզ հետ, ես ընդունակ էի մեռնել ձեզ համար, բայց չէի կարող անլրել ձեզ համար։ Հաւատացէք, ձեզ այնպէս եմ սիրել, ինչպէս որ մի ծնող կարող է յուսալ իւր որդուց։ Երկրի վերայ ձեզանից աւելի թանկ բան չունէի, աւելի թանկ էիք, քան այս աշխարհը, աւելի թանկ, քան գերաշխարհքը։ Երբոր ես ինքնասպանութեան մասին խորհում էի, արդէն վաղուց տեսել էի և փակել էի կրօնի հետ իմ հաշիւները, բայց հէնց որ ձեզ լիշում էի, յուսահատութեամբ տատանւում էի։» — «Ես ուզում եմ խնայել ձեզ մի մեծ չարիքով հազար մեծագոյներից։ Կամ կարծում էք, թէ աւելի ծանր հարուած չի կարող լինել։ Չէ որ ես ունիմ իմ պատիւը, ունիմ խիղճ, ունի վերայ մեծ բիծ է կպած։» — Կամ հանդերձաւ կեանք չկալ,

անմահութիւն չկալ, այն ժամանակ անխորհհութ է խօսքեր սպառել, որովհետեւ այդ գէպքում ոչ առաքինութիւն կը լինի և ոչ մեղք, և իմ գործը մի անտարբեր բան պիտի համարուի։ Կամ կայ շարունակութիւն, այն ևս յաւիտենական։ իսկ այս գէպքում մեր աստի կեանքը ստորակարգեալ, երկրորդական շահ ունի, և ուրեմն ես աւելի լաւ եմ ընտրել, որ զրկում եմ մարմնական կեանքից, և ոչ ինքս իմ համարումից, մարդկալին արժէքի մնացորդից։» —

«Վաղուց հաճութիւն չեմ ունեցել այս տեղ բան արձանագրել. այդ ժամանակ իմ վէրքերը բացւում են և ես ամենադժբախտն եմ. թէ ինչ վախճան կունենամ, այս գիտէ Աստուած։ Ես լիովին կշտացել եմ իմ ողորմի գոյութիւնից, և անշուշտ հեշտ կազատուէի գորանից, եթէ չակնածէի իմ հարազատ մերձաւորներից։» —

«Սև քողը աւելի և աւելի խաւար է սըփուում իմ օրերի, իմ սըտի վերայ։ Այսօր յանպատրամատից երկու երգ յօրինեցի իմ պղտորտամագրութիւնից դրգուած։» — Ես մեռած եմ, ոչ սիրտ ոչ զօրութիւն ունիմ, միայն իմ վիշտը ապրում է։ Իմ բախտաւորութեան

աւերակների վերալ նստած ապուշի պէս նայում եմ աշխարհին, բայց նորա մէջ ոչինչ չեմ տեսնում, ոչ էլ մի բան եմ հասկանում»: —

«Մէնակ լինիմ, թէ ընկերութեան ուրախ շրջանում, շատ անգամ խելացնորութիւն է գալիս վերաս, իսկ այն ժամանակ կարծես, թէ մի սովատանջ ճիծու փորում է իմ սրտի մէջ այնքան խոր, մինչև որ լոգնի, իսկ ես թմրեմ. այնուհետև մի հառաջանք զարթեցնում է կամ նորան կամ իմ զգայարանքները: Դարձեալ մի տարի ես, և ես անտարակոյս լիմարանոցում կը լինիմ»: —

Նորա օրագրութեան զանազան կտորներից և նամակներից յայտնուում է, թէ 4 տարի տանջուել է ինքնասպանութեան մտքերով, որ և շատ անգամ փորձել է, բայց խափանուել է կամ արտաքին պատահական հանգամանքներից, կամ ներքին պատճառներից:

4.

Թէ ի՞նչպէս կարլ Փ. Հոհենհառլենի մէջ անձասպանութեան վճիռ հասունացաւ, մութն է մնում նորա կեանքի արտաքին հանգամանքներից, և միայն նորա օրագրութիւնը, նամակները և ոտանտորները լու-

ծում են այդ խնդիրը, որ մի խրատ և զգուշութիւն է ամենայն դաստիարակչի համար:

Մահուանից յետոյ բժշկական մարմնահերձութիւնը այս հետեւութիւնը հանեց: Ուղեղի սարդոստենու մաշկը (arachnoidea) իրանց կից երկու պարուտակների հետ միացել էր, մահակի կողմը հաստացել, պղտոր և սպիտակ էր: Ուղեղը խիստ մեծ էր, գալարումները բազմաթիւ, գեղեցիկ դասաւորուած, չափաւոր խորութեամբ, նորա բովանդակութիւնը կանոնաւոր, մոխրագոյն նիւթը խիստ զարգացած: Ուղեղի խարսխում գտնուեցաւ կէս ունցի ջուր: Բացի գնդակի պատճառով վնասուածներից՝ կրծքի խոռոչում բոլոր մասերի կազմութիւնը կանոնաւոր էր: Նոյնպէս ևս որպայնի խորշում բոլոր փորոտիքը ըստ ամենայնի առողջ էր, բացի գալարադիքից, որ չափազանց նեղ էր և խիստ հաստ երեսներով: Դրեզդէնի մի անուանի բժիշկ, որին ծնողները բժշկական արձանագրութիւնը ուղարկելով, նորանից խնդրել էին իւր կարծիքը, այսպէս եզրակացրեց, թէ պարուտակների հաստանալը և միանալը, նոյնպէս և ուղեղի ծոցերի մէջ կուտակուած ջուրը, նշան են առողջութեան մի խանգարման, որ սկիզբ առնելով գալարադիքի մէջ, իսկ այնուհետև

անդարմանութիւնից ազգեցութիւնը հասցըել է ուղեղի վերայ. և փորձով ևս յայտնի է, որ գալարաղիքի սեղմութիւը վնասում է ուղեղին: Ուղեղի վերայ ազգումը անցնելուց յետոյ, հոգին էլ խաւարել է, և որովհետև աղեցակի շարունակութեան և սաստկութեան հետ արեան շրջանն էլ միշտ խափանուել է, հիւթերի յօրդութիւնը դէպի ուղեղը շատացել է, որով վերջինը ճնշուել և վնասուել է, նորա պարուտակները հիւանդացել են, և ներսը ջուր է թափուել, Այս ժամանակից սկսած հանգուցեալը ազատ չի եղել, այսինքն անհամարելի և անմեղադրելի այն բոլորի համար, ինչ որ գործեց:

Թէ որքան հիմնաւոր է այս խորհրդածութիւնը, թող բժիշկները վճռեն: Բայց հոգեբանը կը դժուարանայ բաւականանալ նախ այն պատճառով, որ Կարլ Փ. Հոհենհաուզէնի մէջ ոչ ոք չի նկատել հոգեկան զօրութեանց խանգարումն կամ խաւարումն: Եթէ մինչև անգամ ընդունէինք, թէ գալարաղիքը հիւանդական ազգեցութիւն է գործել ուղեղի վերայ, հիւտեապէս նաև հոգեկան տրամադրութեան վերայ, հիմա օրագրութիւնից յայտնւում են ուրիշ պատճառներ ևս—հոգեբանական պատճառներ, որոնք ազգու ներգործել են հոգ-

ոյ այն ուղղութեան վերայ, որով ինքնասսպանութեան միտք յղացաւ և ապա ի կատար ածուեցաւ: Ծնողներն էլ գժուարանում են իւրեանց օրդու ողբակի վիճակը միայն մարմնական պատճառներն վերագրել:

Մայրը օրդու արտաքին կեանքից հետեւեալ տեղեկութիւններն է հալորդում, թէ դա 1830 թ. աշնան սկզբին առաջին անգամ գանգատուեց խոստուկի և սաստիկ փորկապի մասին. այն ինչ օրագրութիւնը արդէն ամիսներով առաջ՝ մայիսին՝ խօսում է վշտի և մի անորոշ տիրութեան մասին, և յետոյ յուլիսին թէպէտ արձանագրողը երևակայում է, թէ աղեթափութիւն և խոլիսեցգետի ունի, և վճռապէս հաւատացնում է, թէ ինքն իրան կսպանէ, եթէ երևակայածը երականանալ, բայց և աւելացնում է, թէ այս մտադրութիւնը յանկարծական վճիռ չէ, այլ ինքը ընդհակառակ «առաջ շատ անզամ պատրաստ է եղել՝ տնկախ այդ հիւանդութիւնից իւր թշուար գյոյութեանը վերջ դնել: Ուրեմն ինքնասսպանութեան գաղափարը արդէն 14 կամ գուցէ և 13 տարեկան հասակումն է զարթել նորա մէջ, անշուշտ առաջ, քան մարմնական հիւանդութիւն է զգացել, և յամենայն դէպս, շատ աւելի տուաջ, քան գալարթել նորա մէջ, անշուշտ առաջ, քան

լարազիքը պիտի կարողանար ազդեցութիւն  
գործել ուղեղի վերայ:

Բայց աւելի որոշակի վճռաբար են խօսում ուրիշ հիմունքներ, թէ նորա սևամաղձութեան և ինքնասպանութեան մտածմանց առաջին և գլխաւոր պատճառը՝ պէտք է փընտուել ոչ թէ մարմնական տկարութեան, այլ նորա հոգեկան զարգացման մէջ, այսինքն այն ուղղութեան մէջ, որ նորա հոգին ստացաւ վաղ մանկութիւնից. ապա ուրեմն մարմնական տկարութիւնը պէտք է նկատուի որպէս աւելի սաստկացնող գործակից պատճառ, և ոչ սկզբնապատճառ:

Մանուկ Կարլ Փ. Հոհէնհառուզէնը Բերլինում թատրոնի և ընթերցանութեան միջնորդութեամբ մտաւ երեակայութեան աշխարքում և գնալով աւելի ընտելացաւ այդ գայթակղեցուցիչ աշխարհին: Թէպէտ թատրոն յաճախելը զանազան կերպով է ազդում մանուկների վերայ՝ նոցա խառնուածքի և ընութեան համեմատ, բայց շտա քիչ բացառութեամբ գրեթէ միշտ վնասակար է դառնում: Դժբախտ որդու մայրը, սարսափելի փորձից ուշ խրատուելով, կատարեալ ճշմարտութիւն է յայտնում, թէ թատրոնը մանկանց համար մի քաղցր, արբեցուցիչ թոյն

է: «Նոցա երեակայութիւնը», շարունակում է նա ճիշտ ստուգաբանութեամբ, «Հեշտ է գրգռուում չափազանցութիւններից. իսկական կենաց փոքրիկ վայելչութիւնները նոցա թըռում է նսեմ, ամայի և տխուր՝ թատրոնական շլացնող աշխարհի համեմատութեամբ: Բանաստեղծական հրապուրիչ հանդերձանքի տակ, բեմի վերայ երեւում են ամենամեծ ոճագործեր և մանկական պարզամիտ երկինքը թունաւորում են, իսկական կեանքը այնպիսի հայելիի մէջ ցոյց տալով, որով նոցա հասկացածը խակ և պղտոր հայեացքներ, սուտ յոյսեր և ծուռ սկզբունքներ է գառնում»:

Մի այդպիսի թոյն է մանուկների և պատանիների համար վիպասանութիւնների ընթերցանութիւնը, նոյն իսկ բարձր բանաստեղծական երկերի ընթերցանութիւնը, եթէ նոքա չեն համապատասխանում մատազ սերընդեան հասակին և զարգացման, և առանց ընտրութեան անխտիր ամենայն բան նոցա առաջարկում է: Այս թոյնն էլ առատութեամբ ըմպեց Կարլ Փ. Հոհէնհառուզէնը մանկութեան հասակում: Մինչեւ անգամ նախքան կարդալ գիտենալը, բանասէրների ընկերութեանց մէջ, նա լսում էր ի լուր ամենեցուն կարդացած նորագոյն բանաստեղծու-

թիւնները, առանց խորութիւն դնելու, թէ որքան պատշաճաւոր է բովանդակութիւնը. իսկ հենց որ ալբուբենը սովորեց, նա սկսեց ինքն իրան կարդալ Հայնէի ողբերդութիւննե. 14 լը և դոցա նմանները: Երեսում է, որ այս տեսակ ընթերցանութիւնը միշտ եռանդով շարունակուել է նոյն հասակում, որովհետեւ տարեկան ժամանակ նորան յայտնի են եղել թէ նշանաւոր և թէ նորելուկ հեղինակութիւնները:

Դժուար չէ երեսակայել, թէ այսպիսի ընթերցանութեան մէջ մերկացող փոփոխուկ երեսակայական աշխարհը՝ ինչ ազդեցութիւն գործէր կարլ Փ. Հոհենհաուզէնի փափի մտքի վերայ: Այրական հասակի աւելի փուկ մտքի վերայ: Այրական հասակի անէ, զօրաւոր ոգին անգամ շատ ջանք պիտի անէ, որ այդ կերպի ազդեցութիւնից չճնշուի, իսկ մի մանուկի ոգին ինչպէս պիտի կարողանայ նորա ծանրութեան տակ դիմանալ: Նա միթէ կարո՞ղ էր ըմբռնել Շէքսպիրի մտածողութեան համարձակութիւնը և հոգեբանական խորութիւնը, կամ ֆառւստի մէջ ամենավեմ բանաստեղծական հանճարով արտայատած փիլիսոփայական խորհուրդների նըբնաքննութիւնը, որ հասակաւորների համար էլ դժուարալոյն խնդիր է: Ի՞նչպէս պիտի մերձենար

այդ քնքոյշ արարածը Ժան Պաուլի հանճարամիտ գուարճախօսութեան, կամ Վերջերի զգացագեղ քնարերգութեան, կամ Տիկի հրաշախառն վիպականութեան, կամ Շիլլերի Աւազակների մէջ երեսակայութեան կատաղի կրակին, առանց թեերը այրելու: Ի՞նչպէս պիտի կարողանար նորաբողբոջ ծարաւող փոքրիկ հանճարը՝ առողջ սնունդ և ուղղութիւն ստանալ զարհուրելի, հրէշաւոր և գարշելի բաները խիստ զգացմամբ նկարագրող բանաստեղծ Վիկտոր Հիւզոյից, կամ ամենայն սըրբութիւն ուրացող, կենսայագուրդ և մարդատեաց Բայրոնից, կամ ինքնասէր, ամենայն հաստատութիւն ծազրող, ամենայն բարք անարգող, ամենայն վեհութիւն ցեխի մէջ պղծող Հայնէից:

Ահա սոքա էին այն բանաստեղծական ծաղիկները, որոնցից Կարլը՝ մանկութեան ժամանակ ծծել է քաղցրութիւն, որ հարկաւ նորա համար թոյն պիտի դառնար:

Մի ուրիշ, աւելի նուազ գիւրագրգիռ մանուկ՝ գուց է այդպիսի ընթերցանութիւնից քաղէր միմիայն զուարճութիւն. և ուրիշ վընաս չստանար, բացի ժամաւաճառութիւնից և մասամբ տհաճութիւնից լուրջ զբաղմունքների գէմ: Ուրիշ մանուկը, եթէ նոյնպէս

գիւրահաս երևակայութիւն ունենար, բայց  
այնպէս նուրբ գրգռուող չկինք, մի և նոյն  
սննդով կարող էր զառնալ այն սառնասիրտ  
և անձնասէր աշխահամարդերից մէկը, որոնք  
չեն խղճում ամենայն վսեմ գաղափար և զը-  
դացում ծաղրել, որպէս նախապաշարում, իսկ  
քաղցրութիւններ ճաշակելու մէջ՝ միշտ փընտ-  
ուում են ամենաքաղցրագոյնը: — Իսկ Կարլը  
ուրիշ կարգի ոգի ունէր: Թէպէտ նա չունէր  
իսկական հանճար, որ արգելքների դէմ զօ-  
րեղ եռանդ է հանդիսացնում և ձախորդ ազ-  
դեցութեան ներքոյ չի ընկճում, բայց և  
այնպէս գերազանց ձիրքերով օժտուած էր.  
ունէր աշխոյժ երևակայութիւն, խոր զգա-  
ցում, միանգամայն բարոյական բնութիւն և  
զօրեղ կամք: Ապա ուրեմն անպատշաճ և ան-  
կանոն ընթերցանութիւնը անհամեմատ աւելի  
կորստալեր ազգեցութիւն պիտի գործէր նորա  
վերայ: Նորա օրագրութիւնը պարզ ապացոյց  
է, թէ ինչպէս այդ միջոցով նախ բորբոքուե-  
ցաւ նորա երևակայութիւնը և հիւանդաբար  
գրգռուեցաւ զգացումը, յետոյ նորա բոլոր  
էութիւնը հետզհետէ բոնուեցաւ պաճուճեալ  
իսանդաղատութեամբ, որ մոլեգներով սկզբում  
բռնադատուած թախծութիւն դարձաւ, ապա  
և իսկական հոգեկան վիշտ: Ամիայնակ զբօ-

սանքները և վաղահաս բանաստեղծական փոր-  
ձերը այդպիսի դիւրագորովութեան տուեցին  
աւելի և աւելի սնունդ: Ինչպէս ամենայն  
սկամաղձ, Կարլը հեշտութիւն և զուարձու-  
թիւն էր զգում իւր երևակայական կամ իս-  
կական վշտով զբաղութիւր, անդադար նորա մա-  
սին խօսիլը, այն ևս միայն իւր անձի հետ,  
նորանով խաղալը և նորա հետ նազեր անելը:  
Բայց այս առաջին շրջանն էր նորա հի-  
անդութեան, որ ընթերցանութեան թոյնով  
նորա հոգու մէջ տարածուեցաւ: Երկրորդ  
շրջանում թոյնը սկսեց քայքայել աւելի ագ-  
նըւագոյն մասերը:  
Բայրընի, Հայնէի և սոցա նման բանա-  
ստեղծների ընթերցանութիւնը՝ այնպիսի ազ-  
դեցութիւն է գործում միամիտ մատաղ հոգու  
վերայ, որ թառամեցնում է առ Աստուած,  
կըօն և առաքինութիւն հաւատքը, ծնում է  
անտարբերութիւն հոգեոր և բարոյական գա-  
ղափարների համար և վերջապէս սնունդ է  
տալիս սառն ազտախոհութեան և կոպիտ  
անձնասիրութեան: Բայց ի հարկէ Կարլի ըը-  
նատուր բարոյական բնութիւնը, իւր զօրեղ  
կամքի հետ միամին, կարողացաւ դէմ դնել  
ալդպիսի ազգեցութեան: Անհնարին էր նորա  
սրտից հանել հաւատարիմ և մտերիմ ծնողա-

սիրութիւնը, Աստուծոյ երկրողի վերայ հաս-  
տառուած առաքինութեան և արժանապատ-  
ւութեան խոր զգացումը, բայց դոքա պէտք  
է խախտուէին և հակառակութեան մէջ մըտ-  
նէին այն գաղափարների և հայեցուածքների  
հետ, որ նա այնպէս վաղ սկսեց ստանալ Ըն-  
թերցանութիւնից: Այսպէս սկսուեցաւ մի ներ-  
քին երկպառակութիւն, մի կոփւ լաւագոյն  
զգացման և նորա թշնամի անհաւատութեան  
մէջ. նա սկսեց գերբնականութեան մասին  
մանրախուզութիւններ կարկատել, և ընկըդ-  
մուեցաւ այնպիսի երկուութեան ծովի մէջ,  
ուր պէտք է իւր անզարգացած իմացակա-  
նութիւնից, փորձառութեան պակասութիւնից  
և կեանքի անծանօթութիւնից կորստեան  
մատնուէր:

Իւր օրագրութիւնը հաստատ ապացոյց  
է, թէ Կարլը աստուածուրաց չէր։ Եթէ եր-  
բեմն նա փորձում էր կրօնի ճշմարտութիւն-  
ները նսեմացնել, անշուշտ նորա սրտի իս-  
կական վկայութիւնը այդ չէր։ Նոյն իսկ նո-  
րա մահը մի նոր ապացոյց է այս բանի. ան-  
հաւատը այդպիսի ողբալի վախճան չի ընտ-  
րում իւր կեանքի համար, այլ քաջապէս ար-  
շաւում է կեանքի մէջ, և իբրև սառն անձ-  
նասէր, հեշտութիւն փնտող աշխարհամարդ

Ե դասում: Այն հանգամանքը, որ կարլի  
ոգու ազնուագոյն սաղմը հաւատարիմ մնաց  
Աստուծոյ և անմահութեան հաւատքին, պատ-  
ճառ եղաւ, որ նա սկսեց երկմտութիւններով  
տանջուիլ և վերջապէս արդարեւ վաստակեց  
մի խոր հոգեկան վիշտ: Նա ոգորում էր իւր  
ու հոգու հետ, նա լուս էր փնտում իւր  
կասկածների խաւարի մէջ, նա ձգտում էր  
գերբնականութեան գաղտնիքը իմանալ. սա-  
կայն իւր տկար բանականութիւնը անկարող  
գտնուեցաւ փրկել նորան՝ հակառակ գաղ-  
փարների և զգացմանց լաբիւրինթոսից, ուր  
որ նա ընկել էր: Նորա ջանքերի ապարդիւն  
վախճանը աւելի ևս սաստկացրին տառապան-  
քը, որ կրծում էր նորա հոգին: Այդ ժամա-  
նակ ինքնասպանութիւնը նորան երևեցաւ  
միակ ելք այն անօգուտ պատերազմը վեր-  
ջացնելու համար: Քանի կենդանի էր, ճգնում  
էր կրօնական ճշմարտութիւնները պինդ պա-  
հել իւր հոգու խորքի մէջ և ախտէս ապրել,  
հել իւր հոգու խորքի մէջ և ախտէս ապրել,  
բայց չկարողացաւ: Եթէ նա խապառ ուրացած  
լինէր այն ճշմարտութիւններից, նա ինքն  
իրան չէր սպանի, տակաւին կեանքից արբե-  
ցուցիչ քաղցրութիւնները չճաշակած. այլ  
իւր երիտասարդական ուժով կընկղմէր կեան-  
քի մէջ, և մէկդի ճգելով ամենայն կրօնա-

կան և բարոյական պատու էրները և միայն գուցէ խոհեմութեան հաշիւներից բռնելով կենսասէրի վայելքներ կը փնտուէր։ Բացի երևակայութեան բորբոքումից, զգացման խանդարումից և կրօնական վարանումներից՝ Կարլ Փ. Հոհէնհառուզէնին քիչ վնաս չտուեց և փառասիրութիւնը։ Արդէն մանկութեան ժամանակ նորան վարժեցրին սնափառութեան։ Յայտնի է, որ ծնողները, և մանաւանդ մայրերը անխորհուրդ անձնասիրութեամբ պարծենում ենիրանց զաւակների գեղեցկութիւններով, մինչև անդամ նոցա երեսին գովեստներ են շռայլում և մի առանձին հաճոյքով նոյն գովեստները նոցա բերանումն են դնում։ այս բանից գերծ չմնաց Կարլը հէնց լոյս աշխարհը տեսնելուց լետոյ։ Սիրուն մանուկը ամենայն տեղ աչքի էր ընկնում, նորա ականջին հասնում էր, որ ծնողների բարեկամները և նոյն իսկ ծնողները երկինք են բարձրացնում նորա գեղեցկութիւնը, որով նորա սրտի մէջ ցանուեցաւ սնափառութիւն։ Ապա այսպէս հըռչակուեցաւ մանուկի ոչ միայն մարմնական գեղեցկութիւնը, այլ և նորա խելքն ու միաքը։ Սակաւ են այնպիսի մանուկներ, որոնց մէջ որ շրջապատողները երևելի յատկութիւն-

ներ չտեսնեն և նոցա չգուշակեն փառաւոր ապագայ։ Մանկական ոգին, որ մեծ աշխառժութեամբ ամենայն ինչ ըմբռնում և իւրացնում է, սխալմամբ շատ անգամ համարւում է տաղանդի կամ նաև հանճարի հաւաստի նշան։ Կարլին էլ վիճակուեցաւ այս բախտը, մանաւանդ որ իրօք պարգևած էր հոգեկան և մարմնական լաւ կարողութիւներով։ Բայց նորա ձիրքը ծնողներին, և մանաւանդ մօրը, ինչպէս և բարեկամներին, անհամեմատ աւելի մեծ երևեցաւ, քան ինչ որ իսկութեամբ էր, ուստի և մանուկը անդադար լսում էր, թէ նա չտեսնուած տաղանդ է և թէ երևելի մարդ կդառնալ։ Օրագրութիւնից ստուգապէս երևում է. որ նորա փառսափրութիւնը վաղ սկսուեցաւ, որ նա միշտ ոգեսրուում էր գերազանցելու ձգտումով և յափշտակում էր մեծութեան և բարձրութեան փափագով։ Աւելի մօր միամտութիւնից և յուսագրական քաջալերութիւններից սնուած ձգտումը գէպի բարձր նպատակները՝ գրդեց նորան, որ պատրաստուի գերազանց հանդիսանալու հոգեկան գործունէութեան շրջանում, իւր բնական ասպարիզում, ուստի և իւր մարմնական ոլժերից վեր ջանասիրութեամբ աշխատել սկսեց

և վնասեց իւր առողջութեան։ Գերազանցութեան ձգտումը միայն ուսումնարանական գործերում չլայտնուեցաւ, որ առաջին լինի ընկերակիցների մէջ, այլ փառասիրութեան նպատակների շրջանը աւելի լայն ծառալ ստացաւ, հետևապէս վնասն էլ ըստ այնմ ընդարձակուեցաւ։

Մանուկ հասակում ընթերցանութիւնը այնպէս զարգացրեց նորան, որ նա իւր հասակիցներից անհամեմատ աւելի տուած էր։ Բայց այպէս կանխեցրած կրթութիւնը ոչ թէ դրական ծանօթութիւններ աւելացրեց, որ աւելի պաշշաճ է մանկական և պատանեկան հասակին, այլ որովհետև նա աւելի բանաստեղծութիւններ էր կարդում նորա մէջ չափազանցութեամբ զարգացաւ երեսակայութիւնը և զգացումը, կեանքի ընդհանուր հայեացքը և մտքեր արտայատելու կամ ճարտասանական հմտութիւնը։ Հէնց այս առաւելութիւններից աւելի մոլորուելով, այնպիսի ուղղութեամբ սկսեց պարապել, որով ձգտում էր շուտով հաւասարուել բանաստեղծութեան աշխարհի մեծ աստղերին։ Իւր զգացումները ուստանաւորով արտայատելու փորձերը, սրամիտ լինելու և բառախաղով խօսելու ջանքերը, 16 տարեկան հասակում դեռ ևս ոչ մի

նշանաւոր գործ կատարուած չունենալու գանգամոր, իւր ուսումնարանական անխոնջ աշխատութիւններից սակաւ գոհունակութիւնը, չիրազործուած յուսերի պատճառով տըխութիւնը և այն, — այս բոլորը, որ օրագորութեան մէջ շատ անգամ է նկարագրուում, անհերքելի ապացուց է, թէ նա իրան հանձար կարծելով, վաղօրօք, մանուկ հասակում, ձգտում էր այնպիսի գերազանցութեան, որ աւելի յատուկ է հասունացած մարդուն։

Բայց Կարլ Փ. Հոհէնառագէնը շուտ գտաց, թէ իւր կարծեցած հանճարը չունի, թէ իւր ձիրքերը որքան էլ որ նշանաւոր լինին, դարձեալ չեն բաւում, որ վաղ ընդունակ կացուցաննեն արտաքոյ կարգի մեծագործութեանց համար։ Քանի աւելի խոշոր յուսեր էր երազում իւր մասին, այնքան աւելի պէտք է լքուէր, աւելի վհատուէր, բացէիբաց տեսնելով որ իւր զօրութիւնները պակասաւոր են իւր ցնորած բարձր նպատակների հասնելու համար։ Հետևապէս զարմանալի չէ, որ վելչապէս հրաժարուեցաւ մեծութեան ձգտումներից և սիթափուելով իմացաւ, թէ բնաւ չի կարողանայ սովորականից վեր գնալ։ Եթէ նա իւր հրաժարումը միայն մարմնական առողջութեան խանգարման է վերագրում, եթէ հաւատացնում է, թէ միայն այդ պատճառն է արգելում, որ մեծութեան հասնի, անշուշտ այդ աւելի անձնախաբութիւն է, քան ճշմարտութիւն։ Մարդկային ինքնասիրութեամբ՝ կամ

չկարողացաւ ճանաչել իսկական պատճառը,  
կամ չէր ուզում ինքն իրան խոստովանել:

Միայն աւելի հեշտ է հասկանալ, թէ  
երբ որ Կարլը համոզուեցաւ, որ ոյժ չունի  
երեակայած գերազանցութեան հասնելու, և  
այդպէս կորցրեց վստահ ինքնազգածութիւնը,  
ապա ուրեմն, արդէն կանխաւ, ուրիշ ներ-  
գործութիւններով, բոլն դրած թափծութիւնն  
ու կեանքից գժգոհութիւնը՝ նորա մէջ այ-  
նուհեակ աւելի սնունդ պիտի ստանալին և  
սաստկանային:

Նատ զանազան պատճառներով փորձել  
են մեկնել Կարլ ֆ. Հոհենհաուզէնի բարոյ-  
ական պարտութիւնը, բայց անաշառ դատո-  
ղութիւնը հոգեբնական ստուգութեամբ հաս-  
տատում է, թէ նա առաւելապէս անպատ-  
շաճ ընթերցանութիւնից իւր անկման հասաւ:  
Այդ պատճառով նորա հոգեկան զարգացու-  
մը մոլորուեցաւ, նորա զգացումը հիւանդա-  
կան ձեւ ստացաւ, նորա կրօնական հաւատը  
տարակոյսների զոհ դարձաւ, նորա կրծքի  
մէջ աւելի մեծ հասակի սնափառութիւն շարժ-  
ուեցաւ, որ համապատասխան չէր ունեցած  
հոգեկան զօրութեան: Իսկ թէ նորա ողբալի  
վախճանը պատրաստող խաւար տրամադրու-  
թեան մէջ՝ որքան բաժին ունէր մարմնական  
հիւանդութիւնը, անհնարին է ճշտիւ որոշել,  
բայց անշուշտ դա էլ երկրորդաբար պակասը  
լրացրեց:



66

ԳԻՆՆ Է 20 ԿՈԴ.